


土岐文庫
文庫17
W 82
16



文章 17
W 82
16

雙溪詩鈔

廿七

王炎字晦叔新安婺源人所居武水之曲雙溪合流因以為號矣登乾道進士始令臨湘受學於南軒先生入中都官博士慶元四年為實錄簡討尋轉著作佐郎出守湖州年八十餘著有雙溪集炎詩頗為世所稱許然亦多庸調今擇其刊落者入鈔

遊硯山

壬辰

他山石徒多器寶匿幽僻產璞芙蓉坑金聲而玉德岡巒外鈎聯地勢中斷隔曲塲八九家路入羊豕迹澗水抱石根石骨多紺碧北山上攬天南山勢蟠伏硯工二百指日攀崖崑腹篝燈礪斧斤深入逾百尺我行冒風雨周覽不知夕夜宿茅茨下青燈照岑寂酒闌呼匠氏訪之語纖悉

雙溪寺少



昭和六十年二月一日贈
土岐善吉唐氏寄

010185188421

水蠶吐銀絲蛟人織霧縠巧手琢磨之價直黃金鎰斷品
共傾歆舊穴久湮塞苟求得他材飲水不受墨堅滑已支
庶麤煉乃臧獲信知天壤間尤物神所惜罕見固為貴有
亦未易識璿玉混一區語盡三歎息摩挲蒼蘚崖此言可
深刻

春日遣懷

感懷細數十年事養拙略無終日閒景物自新春稍稍吾
親漸老髮斑斑豈曾有夢到天上且任此生浮世間願約
漁樵同小隱謂予不信有南山

麥苗已有生意掘鳥糞者未止

兒童飯犢女採桑水滿東皋耕事忙稻秧半綠麥半黃天
許食新餽粥香田父咨嗟仍笑語赤地一年今得雨紫齏
有根妻子喜免填溝壑棄閭里

元日書懷

年光除日又元日心事今吾非故吾兩板不須書鬱壘一
杯亦強飲屠蘇添了解事尋王母內子傷時念老姑欲報
情淡恩罔極不終反哺愧林鳥

送游大冶歸建陽

西風來鴈歲欲晚衰柳鳴蟬人語離市道交游何足數君
家父子總相知讀書要見古人意立事正須年少時話舊
班荆尚無日莫忘苦語有箴規

生朝無以自慰作留貧薦一杯

私居飯半菽官舍食無肉何乃太清生髮無一錢蓄人言
骨相寒有智不如福貧者輕於葉富者重如玉輕重信然

否世情手翻覆相彼守錢虜無厭溪壑欲口不談古今枵
然瓠壺腹渠固笑我癯我亦笑渠俗珊瑚數十株胡椒八
百斛冥冥鬼瞰室一跌赤其族未若貧而安高枕睡常熟
我家雲溪陽側數椽崖屋後蒔菘韭屋前種梅竹室中
四立壁但有書可讀世故驅我來營此芥粟仕不上青
雲何如返耕牧頗怪草玄翁乃謂貧可逐卒歲一布裘終
朝一饘粥此外何所求吾生無不足

用前韻答黃一翁二首

緼袍敵狐裘晚飯可當肉諱窮竟未免豈不愛儲蓄嗜利
穎有泚恐愧王水福財固禍之媒越鄉忌懷玉君看座右
器已滿卽傾覆賢用功處清心而寡欲於世淡無求乃
能實其腹誰令

百斛笑人龜手藥欲售先聚族知余頗清苦應物未圓熟
游宦不能巧俯首立矮屋鍛鍊知精金祁曩見松竹自立
不堅定庸行徒聖讀誰謂漆園高俯首欲丐粟窮作扣角
歌老厭淄川牧古道寢斲喪時人方逐逐有田南山南可
辦一盂粥請賡歸去來世路早收足

豆羹采藜藿鼎食厭梁肉士欲齊得喪胸次要涵蓄我晚
頗聞道寧有慧無福外物皆浮雲此道等珠玉闕事如閱
碁已過安用覆回光照諸妄稍稍淡無欲與君共玄談一
笑時捧腹吾作詩留貧此語頗驚俗細看首宿盤豈減檀
榔斛見金不見人渠輩非吾族君獨臭味同吾固知之熟
平生求益友今日並牆屋不肖兄事錢寧以君呼竹力學
追古人經史費抄讀我方病少瘳擁衲膚有粟百念漸灰

冷有牛不須牧君如汗血駒墮地必馳逐甘爲走跋跋耻
作雌粥粥有玉未嘗獻豈憂終刑足

公檄如蒲圻訊民之食菜事魔者作詩憫之

三代日方中爲民破重昏既蝕復光融孔孟道益尊古禮
今則亡陳編意猶存飲燕用觥籌薦享羞羔豚瞿曇何爲
者髡首徒實繁不飲非畏義不殺非知仁舉世昏不悟跣
足行荆榛胎禍產妖幻與佛歧又分俗愚有呈誤吏議多
淡文怒言必益惡疑似恐不根黔首亦何罪可憫不可嗔
大道若返古怪說難眩民帝居虎豹守此語誰扣關

和游堯臣勸農韻

傳呼穩凭筍輿行喜見漫山麥浪平道上恐農皆好語年
來瘦地有新耕草深黃犢陽坡暖雨過青蒲野水生桃李
陰中春事好田家鷄犬亦歡聲

到胡道士草菴

清風颼颼竹萬箇白日寂寂茅三間春深只有鳥呼夢地
僻略無人叩關豈但壺中堪避世也勝圖上可遊山出門
回首不能住輪與道人閒復閒

出郊雜詠四絕

閉戶不知春色佳柳稍欲暗可藏鴉鴨頭新絲齊腰水女
頰輕紅刺眼花

道上東風掠面輕一犁雨足得新晴草頭蛺蝶自由舞林
下鷓鴣相對鳴

孤煙近見數椽屋急水時行獨木橋入眼異鄉風景別脩
眉一秣暮山遙

雲昏山色收圖畫雨過泉聲雜管絃馬上得晴春滿眼好
花迎客亦嫣然

旅中思家

野田既雨水皆滿山路無風花自香且復將身供世事也
能隨處對春光絕嫌俗物眼多白未辦生涯鬣已蒼待看
檀梨粗可教老夫耕釣卽韜藏

晚憇田家二絕

家書未到鵲先喜春事無多鷺又啼偶對好山留客坐綠
陰遮屋日將西

山間一徑牛羊迹林下數家鷄犬聲底事居人苦爭畔閒
田官正募民耕

上巳

莫春被襖好天氣不到水邊流一杯旋擘紅泥嘗煮酒自
循綠樹摘青梅淹留異縣客多病迢遞故鄉書不來歷歷
舊時行樂處凭欄小立首空迴

過浯溪讀中興碑

日光玉潔元子辭銀鈎鐵畫顏公書百金不憚買墨本摩
挲石刻今見之猗那清廟久不作其末變爲王叅離春秋
一經事多貶魯頌四篇文無譏漁陽鼙鼓入潼華公卿徒
步從六飛朔方天子扶九廟京師父老迎千麾紫袍再拜
謁道左上皇萬里旋鑿輿北味鳴晨有悍婦擊狐翠夜有
老奴扶桑杲杲未翳蝕但歌大業吾何疵首章義正語未
婉前輩不辨來者疑正須細讀史克頌未用苦說涪翁詩
許張勁節震金石李郭壯武如虎貔斷崖蒼石有時泐諸

公萬古聲烈垂天憐倦客有所恨雨濕江寒催解維神州
北望三歎息翰墨是非何議爲

湘中雜詠三絕

有懷冉水柳司馬更憶浯溪元道州仕宦兩公俱落莫斯
文千古共傳流
順流鳴櫓不論程上水開帆取次行逆順自從人意轉風
生波湧本無情
中流四顧浪花平雙櫓夾船鵝鸛鳴欸乃聲中山水綠不
妨緩緩計歸程

豐年謠五首

滿箔春蠶得繭絲家家機行換新衣五風十雨天時好又
見西郊稻林肥

縱橫南陌接東阡婦餉夫耕望有年前此丁黃饑欲死今
年米賤不論錢

洞丁徭戶盡歸耕篁竹無人弄寸兵要識二天恩德廣黃
雲千里見秋成

睡鴨陂塘水慢流離離禾稼滿平疇共言官府催科緩飽
飯渾家百不憂

稻如馬尾覆溝塍桑柘陰中鷄犬鳴收穫登場便無事輸
租人不入州城

再用元韻因簡縣庠諸先輩

書生卯飯動及午薑糝菜絲煩自煮異時甘脆屋渠渠出
自空腸千卷書竹間杵臼相敲擊茶不療飢何苦喫泉新
火活費裁排呼奴更挈銅餅來蜀客見之心逐逐暫借紙

窗休繭足歸歟家在淮湖邊草魁可買無青錢不辦雲腴
供粥飲空有束詩如束筍青箬小分鷹爪香江上拏舟當
遠引

江上為韓毅伯訪得便舟

銅墨纏腰雪上頭人生一飽亦難謀天明忽暗釀梅雨風
暖又寒催麥秋老矣不堪時節換粲然方幸故人留白雲
呼去淮山住強為江邊問買舟

解官到郡諸丈置酒岳陽樓招炎為客鄧巴陵索詩
重上危樓覽洞庭故人一笑對飛觥君山只似編山綠江
水不如湘水清一日勝遊成樂事三年俗狀奪詩情天涯
解后還離別莫惜尊前底裏傾

和程丞遊清水崑黃龍山韻

嵐光野色共扶輿見說壺天氣象殊疊巘吞雲圭角露寒
泉觸石篆文紆荒涼佛屋存遺像窈窕仙崑有別區何日
青鞋親扣歷細評佳致染松腴

和陸簿九日二首

西風拂面飲微酣小摘茱萸手自簪極羨酒兼詩共好正
緣人與景相參杜門不復貪游賞落帽無由際談嘆息
登高兄弟遠目隨鴻鴈過天南
風露蕭蕭木半黃老來淡薄似秋陽一樽冷落思佳客九
日淒涼在異鄉採菊何心進靖節哦詩無語答仇香危臺
戲馬今安在休惹清愁攪石腸

題童壽卿博雅堂

會道莫如約要識胸中真講學亦貴博不廢紙上陳王充

與李邕世豈無若人中秘未許見市肆何所聞童君家多
書乃爲我輩慮安用蓬萊山萬卷皆此聚又復附益之秦
碑及周鼓剡溪來楮生歛穴會石友持此分雅俗清渭映
濁涇不賄屋自潤無爵身亦榮好事時相過不憚倒屣迎
揮麈言有味寂如無市聲孰如漢中郎孰似楚左史孰能
誦亡書孰解作奇字是中猶淵海隨取卽隨有或問賈幾
何還可商度否掀髯笑謝客吾非鬻書叟

西風題遠山平林圖

山色微茫疑有無木葉半脫殊蕭疎雲根更着數椽屋此
屋當有幽人居墨妙逼真乃如此畢竟非真惟近似何如
履齒飽經行是處溪山皆畫笥還君圖書吾且歸家在江
南依翠微

用元韻答劉判官

解后章江上知從五馬車君才猶未用吾老更焉如間濶
思眉宇殷勤得手書喜聞衣絲樂入饌有江魚

冬雪行 并序

甲寅歲雖小稔縣官和糴米價遂增兩日雨雪市中貧
民有無炊煙者艱糴反甚於去年之凶歉父老輩遂具
公牘赴訴于庭因成冬雪行一篇其辭如古樂府其義
則主文譎諫言之可以無罪者也

擁衾展轉夜不眠細數更籌知苦寒角聲未動紙窗白兒
曹報我雪滿簷玉妃剪水出天巧飛花萬點爭清妍朱門
貴人對之笑初見一白來豐年金罌玉爵扶春筍飲罷敲
冰煮新茗綉幃中有紅麒麟輕暖勝春尚嫌冷窮巷小家

真可憐典衣糶米無炊煙江頭津吏日來報往往上流無
米船縣官要糶十萬斛天上符移星火速去年秋旱糶陳
腐今年秋熟米如玉且願扶桑枝上紅日轂東來却勝六
今年冬雪民已懼明年春雪民更饑九關有路虎豹守欲
語不敢空長吁

次韻答簡簿

少日牛衣嘗熟眠老來駝褐不護寒欲呵龜毛拈秃筆怯
看冰柱縣疎簷東風不解着梅柳翻作六出欺春妍春回
臘盡亦何好但爲浮生添一年負郭有人如石笋雪裏哦
詩自烹茗胷中盎盎有天和戶外蕭蕭尚冰冷日炊脫粟
不自憐却念野廬無爨烟此憂未知可解否準擬爲君浮
酒船酒酣傾瀉珠百斛定覺揮毫轉神速聞道諸公雙眼
青豈終遺此豐年玉倦游別駕老更貧自謀慚似龜藏六
詩來謂我清而懼我方忍慾將忍饑短蓑歸釣寒江雪紛
紛世事休嗟吁

題徐叅議所藏唐人浴兒圖

右相嘗慚呼畫師技癢仍復拈毛錐逼真誰作此贗本亦
有妙意生妍姿中庭燕坐必主婦綠雲高髻香羅衣嫣然
嬪妾左右侍前浴能言丹鳳雛娉婷及笄女公子素腕擁
項相攜扶兩兩爲朋四髻亂乳盧隨逐相諧嬉掌中看珠
二少艾捧顙却立鴉鬟奴屏間擁膝袖玉笋疑是夢闌鬢
翠眉側身背面按箏者冰肌綽約不自持牀前跪起各姝
麗爲兒理髮技涕洟有大黷斑受摩撫與人習熟無猜疑
梳裝淡薄服製古如見永徽貞觀時若非侯家及主第人

物無此美且都荆釵布襦小家婦生子不如山下麀

題徐商叟所藏李伯時四天王圖

龍眠有巧手幻出汗血駒老衲或戒之回向心地初遂盡
白衣仙斲與梵釋俱北方四天王亦附瞿曇居雜以馬龍
像宿習終未除四王名字異且復形狀殊信者謂其有疑
者意其無蕩蕩天門高誰能凌空虛何以信不疑取諸貝
葉書子不語怪神從釋恐畔儒語之且不可筆之其可乎
因畫議及此於公意何如

印事

時寓清化

久輟囊中句時看肘後方有家如旅舍無事似僧房梅白
墻頭笑榴紅甕面香杖藜如可出溪上探春光

勸農道場山

練日遵詔條行春勸耕事擁旆有傳呼據鞍小馳驚兒童
喜聚觀父老歡來詣松徑度坡陀蓮宮得清闕此行非遨
遊所職在撫字示之淺易語諭以丁寧意扶杖旣言歸解
衣聊少憇山中無俗情物外有幽趣僧閒衆所羨農困吾
甚愧不敢飽登臨肩輿下山去

夜半聞雨再用前韻

轆轤百尺汲無水映日四山雲不起朱轡浪說勸農桑衣
食何從可甘美禱而得雨不苦旱竊疑此殆偶然爾夜半
潺潺簷溜鳴孤枕夢回心失喜兒童挽犢婦餉盂襪穢耕
夫亦勤止鼠跡印我榻上書蛛絲罨我壁間塵抖擻胷中
三斗塵強欲哦吟無好語請公酌酒更揮毫快寫珠璣歌
喜雨

雙溪種花

雙溪漸有雜花開每日扶筇到一回勝似名園空鎖閉主人至老不歸來

蒼頭爲我斲西山扶病移花強自寬縱不爲花長作主何妨留與後人看

舟行過白石見將使夜宿毛家林翌日到莘莪却回

和清老

蒼頭倦晨炊卯飯幾及午泝流赤日中舟子亦良苦魚躍戀芳餌鷗飛避鳴櫓仙翁所退藏好境自呈露溪水清可鑑山雲橫不度坐斷泉石幽不受塵土污問之何所得妙處難悉數初非練玉泉亦不鳴天鼓人癯道方肥心遠貌亦古老衲同我來得句時一吐物色盡詩材筆底隨指呼行行更前之繫纜日未莫轉施涉奔湍支筇入幽塢倦甚宿茅茨睡熟不能寤遲明又蓐食凌風上前浦重露雨點疎晴嵐雲氣布蝗蝻尙飛揚禾稼難愛護村落有狗偷老倪且狼顧念此一悄然回舟雙港渡空美皎然師詩成有神助

病中書懷

丙子

霍骨雞膚不耐寒那堪癰疥更斑爛開年慘淡陰兼雨終日抓搔寢不安未可給扶親几杖豈能見客攝衣冠人言剝復相更代頻把韋編反對觀

撥門開哀禽向人泣十載却西還亭傳已完葺青鎖揖江山朱欄趁階級行旅糧不賫大路遺敢拾蜀道無難易人心自寬急寄信守亭者勿使狐狸入

張求

張求一老兵著帽如破斗賣卜益昌市性命寄杯酒騎馬好事人金錢投甕牖一語不假借意自有臧否鷄肋乃安拳未省怕噴毆坐此益寒酸餓理將入口未死且強項那暇顧炙手士節久凋喪舐痔甜不嘔求豈知道者議論無所苟吾寧從之遊聊以激衰朽

黎城酒

黎城酒貴如金沽此盡寒衣纔一吸獄曹參軍到骨窮簿書吻燥何由濕夜來細雨落簷花對客惟有嘗春茶明朝

踏月趁早衙免使路中逢麴車

晝寢效魯直

雨餘熱喘殊喊呀坐翻故紙腰足麻鋪陳枕簟寒青紗倒牀不復知橫斜夢魂飛揚遠還家故人見我一笑譁須臾睡覺衙鼓搥墻頭鶯雀聲槎槎

城上怨

雨似懸河風似箭風號雨馳寒刮面何處巡城老健兒城上謳吟自哀怨不知底事偏苦傷聲高聲低哀思長戍邊役重喪酷法去國年多思故鄉城上歌時夜方半正是孤齋醉魂斷和風和雨兩三聲推枕投衾坐長歎傳聞點動熙河戰士連年不解戈今夜風號雨馳處城上哀怨知幾何

客至

山頭竹萬箇風來玉相憂下有屋數間蕭然如佛刹門無
車馬喧幽徑芳草茁隔窓識君聲遽起投筆札黃雞未啄
黍環堵無可殺園蔬煮淡泊山泉啜甘滑何以樂嘉賓春
禽日嘲哂

聞東坡貶惠州

元氣脫形數運回天地內東坡未離人豈比元氣大天地
不能容伸舒輒有碍低頭不得仰閉口焉敢頽東坡坦率
老局促固難耐何當與道俱逍遙天地外

寄郭潛夫

我等游瀘江泛舟奔楚宮黔江自南來胥會涪之東黔江
清且碧瀘江濁而紅紅碧不相入分流如卧虹羣潛激湍
濤洶湧成戰攻須臾盡變濁混混顏色尚清固不勝濁此
理天下通君視開成間牛李爭長雄要之皇子不勝太
牢公物理自古然徘徊歎無窮

送趙元思司法

誰不從王事夙夜獨匪懈休沐猶坐曹伏日不歸廨平生
熟大法餘事止小楷自稱霹靂手作縣真癩疥董宣雖強
項臨事中實駭從君學吏禮稍稍識起拜今當告別去何
以贈行邁二十罰自親此理須少戒

到任後寄家兄

君子所就三爲食最爲下起家仰寸祿此實下焉者南山
無敝廬千里就館舍但使食有魚敢言曹乏馬同寮皆故
人每事相假借况復官長賢醉歸應不罵

送趙安道下第

大官危小官卑君不得官君勿悲君不見前日宰相今海
涯胡椒八百斛流落知爲誰又不見州縣官折腰事細兒
常憂一語不中治敢對西山笏挂頤大官危小官卑君不
得官君勿悲願君酒量如鷓夷勿作瓶罍居井眉與君賭
取醉爲期明日烏帽風披披

中秋遇雨感懷呈世澤彥直

初遊東都年二十清歡趁得中秋及南陽會中酒徒集惠
和坊裏綉鞍入蟹螯嘗新左手執鷄頭未老撻玉粒杯行
到手不待揖明月清風供一吸纏頭不惜傾箱給倚賴決
科如俯拾誰知得官反拘繫此景此歡那復緝今歲中秋
雨如泣窮山牢落秋光濕孤燈熒熒照書笈屈指流年如

箭急

讀邸報

當今求多聞取士到蓬華時時得新語誰謂山縣僻昨日
拜御史今日除諫官立朝無負漢恩厚論事不妨晁氏安
臺省諸公登袞袞閉門熟睡黃紬穩

訊囚

叅軍坐廳事據案嚙齒牙引囚到庭下囚口爭喧譁叅軍
氣益振聲厲語更切自古官中財一一民膏血爲吏掌管
鑰反竊以自私人不汝誰何如摘領下髭事老惡自張証
佐日月明推窮見毛脉那可口舌爭有囚奮然出請與叅
軍辨叅軍心如眼有睫不自見叅軍在場屋薄薄有聲稱
只今作叅軍幾時得騫騰無功食國祿去竊能幾何上官

眉山詩錄 四
乃容隱曾不加譴訶因今信有罪叅軍宜揣分等是爲貧
計何苦獨相困叅軍噤無語反顧吏卒羞包裹琴與書明
日吾歸休

喜雨呈趙世澤

去年雨多憂水潦今年雨少憂枯槁都緣縣政失中和水
旱年年勤父老前時雲起雨欲落夜半風來還一掃明朝
引首望雲漢屋上晨暎仍杲杲賦輸百萬未破白簿脚何
緣得勾倒上書自効欲歸去老婦挽衣傷奪藁技窮往訴
北山神是夕沛然償所禱稍畦穉穉勢已活竹裏蕭疎聲
更好故應神意閑孤拙苟免歲終書下考便安杵臼伺秋
成雲子滿田行可擣

蓬州杜使君洪道屢稱我于諸公聞之愧甚爲詩謝

之

去天一尺古蓬州年來除守得勝流渠家本是城南杜詩
律賢我三千籌如此才高却解事入眼人才皆可意他邑
猶分刺史天片言每爲將軍地故應憐我退無田力相推
挽令向前傍人聞說皆撫掌竹竿那使鮎魚緣

嘲陸羽

陸子作茶經竟爲茶所困其中無所主復著毀茶論簡賢
傲長者彼自愚不遜茶好固自若于我何恨便當脫野
服浣瓊爲一獻飲罷挈茶去譬彼澆哇碗君看禰正平意
氣真能健達與不達人何啻相千萬

戊子大水

踏歌喧喧雜鏡鼓潭邊呼龍今作雨龍噴揮水十丈餘千

村萬落幾爲魚寄謝龍神且安處熟睡深潭不驚汝
夜半傳呼河入室攬衣下牀深沒膝舊來水不到譙門老
巫歸咎西門君西門君去老巫舞明年却娶河伯婦

除鳳州教授非所欲也因作此以自寬

人生纔食頃何處分好弱刑獄卽道場筦庫有真樂故紙
終日翻毛錐幾年閣百函無力致諸公誰說著承學授
之頗訝名字錯宿業豈無戀得治不敢躍骨肉遠難俱囊
裝貧易縛師儒要好手老大良非脚憂盡識羨空抽窮知
繭薄後生端所畏人材若爲作豈惟嘲孝先便恐困有若
行路固知難得地幸不惡柳拖千丈絲山集五色雀絳紗
諒無有肯蒞聊可嚙况聞豆積嶺中有不死藥

將家遊治平院

蓋老杜所謂東津也

年來官職如水樣只有登臨作酌賞好山一一如佳士令
人欲作傾家釀昨日西樓弔王孫今日東津悲逐臣江邊
勝事略尋徧不見海棕高入雲

受代有日呈談勉翁謝與權

老來忽忽流年緊三見涪江秋葉墮祗緣二子日相從便
覺一瓢窮可忍東津曉作招隱賦西樓莫得息歸引文字
能令酒盞寬江山未放詩才窘分題踴躍誰避席得句歡
呼同破準泉名三逸本戲語野史千年傳不泯醉歸半路
飛蝙蝠餘興中宵伴蚯蚓那知須鬢禿于筆但見兒童長
如笋畱滯甘爲西域胡衰遲更結東遊鞞故山咫尺未成
歸坐使蒼顏厚如脰

與舍弟飲

温酒澆枯腸戢戢生小詩詩中何等語酒後那得知黃菊
遂行邁徑去不復辭拒霜猶屈強其勢何能爲但問酒有
無勿計官高卑江邊捕魚郎教我當啜醢

劍州道中見桃李盛開而梅花猶有存者

桃花能紅李能白春深何處無顏色不應尚有數枝梅可
是東君苦留客向來開處當嚴冬桃李未交遊中卽今
已是丈人行宜與年少爭春風

武興歌

去年山中無黍稷只有菘根并橡實菘根作麩如食蜜橡
實炊飯如剝栗東家有錢食橡實西家無錢惟食菘今年
菘盡橡實貴山中人作寒蟬枯

旣以前韻贈勉翁復懷庭玉因爲次韻

千金駿骨買虛名驥老通衢價未平逐去定知窮不死向
來元以句爲生東風又見鶯朋友北信難憑雁弟兄欲寄
此懷惟有月天涯分與故人明

游仙雲宮

出郭三竿日橫江一葦航雀飛田有麥蠶罷野無桑下馬
危梯滑開門古殿香雨餘丹井溢苔入醮壇荒盡老星辰
動碑殘歲月亡鍾聲落城市符祝走村鄉楚鳥啼巴蜀山
崖刻漢唐臨歸更回首惜此一襟涼

直舍書懷

寸枉非吾志休論尺與尋黃披終日卷青對十年衿風眩
藥囊減雨昏茶椀深楊雄名宦息都向草玄沉

箇處本來冷此時仍更清擁爐成久坐曳杖却徐行
暝色侵書帙秋陰入鼓聲悠然索馬去祇此是功程

夜坐感懷

聲斷鍾樓月文書對坐時破窓燈焰走凍研筆鋒遲
名利髮將鶴風霜手欲龜何當一簑雨披曉剪尊絲

述懷

名字雖云繫列曹儒風門戶只蕭騷頭顱自揣宜藏拙
指目何妨笑養高本以食貧來仰祿豈于王事更辭勞
老來精力堪驚歎一紙文書輒數遭

秋夕書懷

疊疊歲華侵垂垂老境臨時光自風雨寒色到衣衾
萬籟號秋杪孤燈照夜淡蛩聲亦清苦唧唧伴人吟

過田橫墓

成則為王敗則亡英雄成敗本尋常滄溟無際何妨死
却死東郊未耿光

九江梁楚竟誅夷自古才高必見疑脫使酈生猶未死
將軍來此亦何為

和程大夫荔枝

家在岷峩飽荔枝十年遊宦但神馳側生流落今千載
入貢稱珍彼一時定自不將凡果比如何偏與瘴烟宜
白頭莫作江南客辜負山中故友期

寓精道齋有感懷家山

論兵作賦兩怱怱人事光陰轉首空半夜夢飛山色裏
一年秋在雨聲中揚州騎鶴非無意上蔡牽黃信此窮
幸有

林泉未歸去欲將清興問征鴻
悠悠功業老堪憐舊事憑誰可共論直欲酒中賒快樂尚
能花裏覓寒溫詩書悞我成何事歲月侵人不見痕汾水
年年秋雁到庾郎何處不銷魂

晚春寄友人

眼底春愁惱殺儂揚州往事旋成空風流只合稱狂客衰
颯何堪作病翁水國春深梅子雨江天日暮鯉魚風何時
執手同尊酒收拾清歡笑語中
滿眼蕪菁斷送春多情饒病兩關身只知老去人心改不
覺愁來酒盞頻霜鶻空拳知有命溟魚竭水恐傷神丈夫
出處端無據猶欲辭家再入秦

春日雜興

愛梅長恐着花遲日禱東風莫後期及得見梅還淡冷東
風全在小桃枝

茸茸小雨弄春晴已有狂花未見鶯便使一年惆悵在曉
窓寒夢別輕盈

短帽輕衫信馬行郊原春色太牽情兔葵燕麥渾閒事最
有蕪菁到處生

月圓新碾破春醒賴有歸鴻寄好音人在天涯莫回首恐
偷華髮上瑤簪

別閩中許秀才

臨岐長歎息此歎意深微浮世年年別初心事事違捫參
蜀道遠犯斗海槎歸故國有餘樂黃雞秋正肥

灌息軒

眉山詩鈔 九
仙家林館碧雲圍掃却浮塵畫掩扉萬事年來俱是幻一
瓶朝汲已忘機花深曲徑春無盡人在閒庭鳥不飛見說
漢陰今復有欲凌霄漢挹清輝

書新堂

疊茅重葺一堂新設榻聊安簿領身落枕不知鶯樹曉污
書長苦燕泥春嶽官何預青苗事野意新便白葛巾能向
此間時得趣何須分外拜車塵

除夕感懷

永漏侵春已數籌地爐猶擁木棉裘無心豈畏三屍訴愛
日還驚一歲休故國二千空醉眼新年三十恰平頭光陰
不用相敦迫領取衰翁兩鬢秋

春日郊外

城中未省有春光城外榆槐已半黃山好更宜餘積雪水
工看欲倒垂楊鶯邊日暖如人語草際風來作藥香疑此
江頭有佳句爲君尋取却茫茫

自笑

已白窮經首仍丹許國心那能天補綻更欲海填深見餒
噴郎罷妻寒望藁砧世間南北路何用爾沾襟

直舍夜坐

強仕似幼學細書仍短檠月來吟處白風及醉時清坐久
露微濕更深秋有聲不知愁底事終日自悲鳴

內前行

以後係惠州詩

內前車馬撥不開文德殿下宣麻回紫薇侍郎拜右相中
使押赴文昌臺旄頭昨夜光照牖是夕收芒如禿帚明日

眉山詩錄
化爲甘雨來官家喚作調元手右相視事明日始得雨喜甚書商霖二大字賜之
周公禮樂未要作致身姚宋也不惡向來兩翁當國年民間斗米纔四錢

長沙示甥郭聖俞

我昔官闕中子時趨長安相過日夜飲肯使笑語乾但知醒復醉誰問甜與酸攬衣步中庭仰首羨飛翰誓言早歸休慎勿貪高官時未有添丁眼前惟木蘭甥舅一分背日月雙跳丸那知十年外相見西江干拜起未寒溫悲來各沈瀾我髯已秃翁子顏非渥丹相從海上志茲事人所難阪行白漉漉山宿青攢攢人烟小歲後草木深冬完昨日次長沙扁舟掠湘灘中流遭惡風滿衣潑驚湍船如箕尾點天作車輪團怖畏日敢側禱祈指頻彈向非鬼神助幾

作蛟龍冷忠信時可憑聖賢豈吾謾勿畏嶠南熱我清物自寒勿憂海邦陋心廣身亦寬磨刀砍鯨鱣隱几看鵬搏努力近藥物明年理歸鞍得之兩鴻鵠龜筒不須鑽

張曲江鐵像詩

像在韶州韶人相傳明皇悔時所鑄云

開元太平久錯處非一拍就令乏賢人何至相仙客直道旣凋喪曲江遂踈片汲黯困後薪賈生罷前席金鑑束高閣鐵胎空數尺妙處難形容英表良髯髯摩挲許國姿尚想立朝色同時反棄置異代長歎息

湖上

佳月明作哲好風聖之清湖邊得二友夜語投三更煙露兩相濕水天參互明散衣芭蕉涼曳杖枕榔輕星走拋餘光山空答虛聲歸矣不可留過幽恐神驚

雙榕

水東雙榕間有叟時出遊清風衣屨古白雪鬚髯虬吟哦
明月夕簾弄寒江秋驚傳里中兒不泊岸下舟君看鬼趣
中有此風味不安知非黃石但恨無留侯此生鉏犁手誤
入簪紳流無功折毫髮負罪平山丘政爾求澡濯聞之歎
綢繆摠衣尚可親跪履安敢羞得聞半偈語一解終身憂
性不喜伐國兵書非所求

大熟行

去年大雪埋尺筮水北荔枝遭凍死其嗔北客帶寒來我
欲分疏誰受理今年諸峒十分熟東江不下龍川米南翁
北客兩欣然孰與忍飢冷荔子

蜜果

大且雞已曉猶強鳴書生坐口窮抵死輸血誠嶺南
只蜜果海道趨彤庭黃蜂樂受職紫鳳助揚舫忠勤雖云
主息慮良未精由來瘴癘鄉不識霜雪情土風不待講氣
象昏如醒秔稻秔稻熱水泉水泉腥而况野果實豈足奉
聖明未論體性殊已覺面目生食之倘有補勞者甘如飴
政恐無裨益所出非和平上林寧少此下箸安可輕軒轅
嘗百毒上古雜神靈武王嗜鮑魚幾諫佚老成荔萸復何
有葵藿但自傾

圓蛤

黃犢鳴水中相顧皆愕然探之亡所得有蛙僅如錢持問
傍舍翁云此號圓蛤夏潦漲溝渠喧呼自酬答卒然聞其
聲謂當可專車既見一撫掌寸莖量有餘物生元氣中小

大各異趨蛙質黃牛鳴持此欲誰附我居固已陋爾鳴良
亦村綿蠻轉黃鸝我今思故園

白小

二年遵海濱開眼卽浩渺謂當飽長鯨餬口但白小百尾
不滿釜烹煮等閒夢咀嚼何所得鱗鬣空紛擾向來巨魚
戲海面橫孤嶠發鳴噴飛沫白雨散晴曉終然不省錄從
事此微眇短長本相形南北無定表泰山不爲多毫末夫
豈少詞雄兩月讀理足三語妙人生一漚發誰作千歲調
安能蹲會稽坐待暮年釣

瘧疾寄示聖俞

體中初微溫末勢如湯鑊忽然毛髮起冷撼如振鐸良久
交戰罷項背如釋縛尚覺頭泔泔眉額如鏡鑿空日一寒
暑有準如契約伏枕兩晦朔楞然如空橐平生十圍腰病
起如飢鶴衰髮本無幾脫去如秋籜到今僅能步出沒如
尺蠖舊聞五嶺法有此萬戶瘧而我自倚寓了不蒙濶略
况子又持養何至亦例著此身自空虛客疾安所托請作
如是觀無病亦無藥

示養

先君捐館年六十疇三算我今四十三始得幼子蠶餘齡
繼前躅蠶也纔及冠况復未可知孝章積憂歎祿養豈不
欲茲事覺已緩但愛眉目秀體質淨如盥顧瞻旣精神懷
抱亦氣岸今者新剔髮瑩若珠未貫見之令人清面擁疲
手腕輒然攬吾鬚霜雪落几案豈惟不肖嗔更對一笑粲
骨肉今已矣持汝慰奔竄行當從諸兄誦書喧里閭而我

于經術粗能分句斷發蒙要師資心孔爲關鍵許慎專偏
傍張華休史漢吾家業儒久捨此無別段不應緣一噎便
欲廢炊爨及親三釜足未用萬戶鄴人生百年期我今特
未半

夢泉

并引

潮陽尉鄭太玉夢至泉側飲之甚甘明日得之東山上
因作夢泉記示余命作此詩

天道宥着相出神得佳泉起尋定中境漫意山之巔
四人蹋就戲數里聞潺湲循聲到巉絕滿意流甘鮮雖深石可
數太察魚難筌分爲縞練去濺作珠璣圓一窺宿醒解三
無沉痾痊恍惚尚疑夢歡呼欲成顛山間知予井海飲鹹
上延那知道在邇幾作野遺賢事故由人與物爲知己妍

夢泉上游詠攜室中天雖無十丈花中有一滴禪名酒
殊勝宜茶定常煎蘭亭羽觴冷魚復青筒連新文來遠
天開卷猶凜然徑欲抱琴去臨流聽未全不但受以耳庶
幾神者先寫爲夢泉操第入樂府篇將前輒復却萬事付
有緣

鳴鵲行

簷前羣鵲鳴相呼法當有客或遠書吾今何處得書尺而
况賓客乘軒車平生眼中抹泥塗泛愛了不分賢愚卒爲
所賣罪滿軀放逐南越烹蟾蜍百口寄食西南隅三年莫
知安穩無家書已自不可必更望故人雙鯉魚故人頃來
絕能疎况復萬嶺千江湖雞肋曾是安拳餘至今畏客如
於菟豈惟避謗謝還往此日誰宥窺吾廬杜門却掃也不

惡何但忘客兼忘吾喧喧鳴鵲汝過矣曷不往噪權門朱

採藤曲効王建體

魯人酒薄邯鄲園西河渡橋南越悲歲調紅藤百萬計此
貢一作無窮時去年採藤藤已乏今年採藤藤轉竭入山
十日脫身歸新藤出土拳如蕨淇園取竹况有年越山採
藤輸不前今年輸藤指黃犢明年輸藤波及屋吾皇養民
如養兒鑿空爲此謀者誰

冬雷行

百蟲蟄處安如家阿香夜起推雷車一時技癢不忍爬撼
動尺蠖掀龍蛇龍蛇尺蠖踞已久亦欲奮迅舒頑麻夢中
一震忽驚躍發破瑾戶排泥沙泥沙已出雷遽止錯愕欲
去難藏遮蟲蛇狼狽莫知數間有伏龍吁可嗟

贈譚微之

去年絃歌程水濱醜中生塵范史雲今年講學鵝城裏關
西孔子楊伯起昔人論士觀心期時人論士看肉皮只知
黃鷄矜觜爪不識騶虞避生草

北歸至廣州寄惠州故人

歸心如躍馬奮迅不可駐別情如放猿已去猶返顧三年
孺子社數借柱史書好在五噫孫善保千金軀舊來談天
口老去盡地力萬里不相忘寄聲問眠食

南遷

去去寬鄉托此蹤鬧中無地頓衰翁未誅綺語猶輕典更
賜羅浮有底功蝦菜賤時皆丙穴茅柴美處卽郛筒着鞭
要及春前到趁賦梅花庾嶺東

眉山詩錄 十五
渡沔

鶴歸遼海悲人世，猿入巴山叫月明。惟有沙蟲今好在，往來休並水邊行。

武陵道中

朝持漢使節，暮作楚囚奔。路入離騷國，江通欵乃村。垣墻知地濕，草木驗冬溫。寂寞桃源路，行人祇斷魂。

長沙道中

古古今今路，朝朝莫莫行。橘林香處飯，杉木翠邊程。山落湘靈慘，川含楚些清。江湖無限句，遷客要才情。

次泊頭

何處不堪老，浮山傾蓋親。潮田無惡歲，酒國有長春。莫疑靈藥漁樵或，異人近前端。有得丞相未，宜噴。

初到惠州

盧橘楊梅乃爾甜，宥容遷謫到眉尖。因行採藥非無得，取足看山未害廉。辯誦若爲家一喙，著書不直字三緘。老師補處吾何敢，政爲宗風不敢謙。

謝人送酒

世情不到海邊村，載酒時來餉子雲。便欲醉中藏潦倒，已將度外置紛紜。細思擾擾膠膠事，政坐奇奇怪怪文。喚取鄰翁傳杓飲，漸令安習故將軍。

水東感懷

往事孤峰在，流年細草頻。但知其室邇，誰識所存神。碑壞詩無敵，堂空德有鄰。吾今稍好黠，終日酒邊身。

登栖禪山

海雨山煙撥不開眼前遮定一作盡望鄉臺如何借得維摩手斷取西南故國來

收景初書并示藥物

乾坤心腹友江海鬢毛班藥補他鄉關書開故一作去國顏何時乘下澤此日仰高山會是歸耕耦由來有賜環

九日懷舍弟

重陽陶令節單闕賈生年秋色蒼梧外衰顏紫菊前登高知地盡引滿覺天旋去歲京城雨茱萸對惠連

收家書

西州消息到南州骨肉無它歲有秋驥子解吟青玉案木蘭堪戰黑山頭即時旅思春冰拆昨夜燈花黍穗抽從此歸田應坐享故山已為理菟裘

漁人何邦直者為安溪把截將有功不賞友得罪來

惠州貧甚吾呼與飲為作此詩

楚人季布以勇顯魯國朱家用俠聞馳馬彎弓臣好武吹毛洗垢吏深文王孫此日誰漂母卿子前時號冠軍滿引一杯齊物論白衣蒼狗任浮雲余在惠州作酒二種其和者名養生主其稍動者名齊物論後禁生字遂志其一

除夕

患難思年改龍鍾惜歲徂關河先壘遠天地小臣孤吾道憑溫酒時情付擁鑪南荒足妖怪此日謾桃符

入日

入日傷心極天時觸目新殘梅詩興晚細草夢魂春桃李年年俗飛蓬處處身暮頤頰語及髣髴到東津

廬山詩集 卷之九
栖禪暮歸書所見二首

雨在時時黑春歸處處青山深
失小寺湖盡得孤亭
春着湖烟膩晴搖野水光
草青仍過雨山紫更斜陽

白鷺

說與門前白鷺羣也知從此斷知聞
諸君有意除鈎黨甲乙推求恐到君

有所歎

林中宴坐老沙門豈願臨年觸垢氛
正恐先生不得飽欲令後死與斯文
近逃台鼎居東洛聞道衣冠滿北軍
須信此塗天一握人間謾說有孤雲

耕田佩印雨徒然憶想平津只去年
怪底功名稱地獄誰知冥府到天仙
是非已付漁樵判疑信難憑黨與傳
杯酌

能通大道床頭當得酒如泉

舍弟書約今秋到此

此日方收信前時已具舟開頭今
又月軟脚定中秋涼德為兄忝炎荒
為爾憂從今西望眼應到見時休

夜坐懷舍弟

無雲仍露坐有月更江臯沉陸傷
吾道浮生憶爾曹扁舟應夏口此夕
數秋毫不見今三載當時已二毛

送外甥之廣州

由也久從我牢之真有甥時情為客
老秋色進泉清撥刺朝朝味鈎翰處
處聲越臺休弔古旅魄向來驚

九日獨酌

登高無老伴引滿自高歌歡意天邊
少重陽野外多黃花

空歲月白首尚關河他日龍山與吾今在網羅

壬辰九月二十三日天氣始寒以詩記之

朝來怪底冷前此已重陽漸逼袴襦節稍聞灰火香烟嵐
向冬淨橘柚得霜黃嶺表雖多暑天時亦有常

寄潮陽尉鄭太玉

又種羅浮一熟田江陽未得返耕屨書來似見眉間印別

後新增髻上年下澤有車人誤矣上林無報雁徒然去歲引

自陳無報越巫雞卜聞之久為問行藏若箇邊

次鄭太玉見寄韻

度外歸期未要論故山石笋自高蹲他時名譽牛心炙晚

歲窮空犢鼻禪君有詩書并畫絕我無德爵但年尊音塵

不繼應相悉萬事而今付默存

壬辰九月二十三日雨至巳年三月和華去矣今

然喜甚卧作

老去生涯白木鏡脫逢艱食更何堪春深野色憂年頭

半簷聲覺雨甘睡外莫聽泥活活想中已睹麥含含明

竹徑添幽事玉板堂頭作小參

舍弟既到有作

武陵倉卒記他時我獨南翔子北飛覩過幾多歸後事相

看仍是別時衣匪躬老矣惟心在便腹依然但髮稀尚有

苦吟三十載與君同飽蜀山薇

收景初貶所寄

信斷常懷信斷憂得書還有得書愁未應宿業都相似總

為謔聲不宥休見說宵中卷雲夢莫將皮裏貯陽秋而翁

有道知興廢不患無詞詣播州

次勾景山見寄韻

此生正坐不知天豈有稀苓解引年但覺轉喉都是諱就
令搖尾有誰憐腰金已付兒曹佩心印還當我輩傳他日
乘車來問道葦間相顧共延緣

夜聞蟹戶叩船作長江礪欣然樂之殊覺有起予之

興因念涪上所作招漁父詞非是更作此詩反之

示舍弟端孺

當年無奈氣狂何醉檝涪翁棄短蓑晚落炎州磨歲月欲
從諸蟹丐煙波與君共作長江礪况我能爲南海歌身世
卽今良可見不應老子尚婆娑

北風累日不止寒甚寄鄭潮陽

山前臘雪想紛紛風到南訛盡處村翁面不容存酒子牀
頭幾欲爨桐孫園林呼舞知衰怯窓戶奔馳覺眩昏咫尺
潮陽五袴國可能分我一襦温

卽事

歸心急似龍頭水華髮多于嶺上梅正是堯朝猶落此當
時湘浦亦宜哉
還家久近書難寫破屋陰晴榻屢移吾道非邪來曠野人
生樂爾復何時
案頭行掃塵隨起窓眼纔封雨又稍更力窮空沽白餅莫
將疲繭鬪黃茅

遣興

僧寺借經便大字鄰壻喚酒及新篘三年于此得其理一

飽已還非所求
酒經自得非多學
詩律傷嚴近寡恩
田里歌呼無籍在
朝廷議論有司存

春日謫居書事

四十緇成素清明
綠勝紅形容千慮
後門館一貧中
白日時時別青蕪
處處同此生唇舌
裏啼鳥莫春風

大觀四年春吾與友人任景初舍弟端孺自蜀來京師至長安時方寒食吾三人相與戎服遊九龍池飲酒賦詩樂甚是歲吾遷嶺表明年景初亦謫江左忽忽數歲皆未得去寒食無幾念之悽然作詩寄任因命舍弟同賦

居今行古任定祖底事遷延亦未歸我坐力田傷地

春瘦句漏天機故都回首三寒
官新歲經心雨
一生凡幾化不因到此始知非

乙未正月丁丑與舍弟棹小舟窮西溪至愁絕處度不可進乃歸溪側有兩榕甚奇清陰可庇數十榻水東老人常飲酒其下云

楊梅溪上柳初黃
荆竹岡頭日正長
獨木小舟輕似紙
一尊促席穩于床
樹從坡去無人識
水出山來帶藥香
應有居民解秦語
爲言昭代好還鄉

有感示舍弟端孺

一出潼關五見梅
愚忠幾欲碎黃埃
弟兄手足窮孤竹
母子肝腸泣老萊
好語忽從天上落
行人直向海邊回
此生報國無他事
力穡供輸莫待催

長沙竹筍聞于天下大者可十餘斤食之甚甘而不
水脾昔渡湘欲作詩未暇也今日復過之乃酬以

此篇

地入長沙莫歎卑竹萌徑尺舊相知九重纔復金門籍萬
里先參玉版師契濶累年真負口徘徊彌月未妨脾渭州
風味那能對中有離騷九辯辭

雜詩

屏跡舍人巷灌園居士橋花開不旋踵草薶復齊腰蛤哭
明朝雨雞鳴闇夜潮未能全獨樂鄰里去還遯
已絕經年筆仍開盡日門身謀嗟翠羽人事嘆榕根蔬食
風掀市樓居水破村嶺南霜日薄何得髻邊繁
便歸良不惡未去且隨緣戶口知無瘴謳歌覺有年藤巖

得句後桂酒抱愁邊經術吾衰矣猶堪舉力田

不死良難學全生或可幾茶隨東客到藥附廣船歸碁倦
收成敗書慵卷是非關心無雜慮魂夢入精微

兀坐且如此出門安所之手香柑熟後髮脫草枯時精力
看書覺情懷舉盞知炎州無過雁二子在天涯

飽食爲茶地深耕覓酒材翻泥逢暗笋汲井得飛梅湖盡
船頭轉山窮屐齒回田間良自苦清興亦悠哉

壯歲日千里晚途天一方花纓聊傲世白袷亦隨鄉團扇
侵時令方書遣晝長此間吾所樂便擬卜林塘

雜興

白日消諸妄青山對屢空著書防惡客學圃問鄰翁織屨
流肌滑檳榔入頰紅丹砂落吾手秋至任飄蓬

多事定何補寡言聊自温蟹黃噴止酒雞白勸加食濯足
樓船岸高歌抱朴村愧無魑可禦只益負君恩

鬧窄良難入閒寬足見容竹根收白疊謂竹布木杪得黃封

謂柳酒問學兼儒釋交遊半士農行歌村落晚落日滿攜筇

爲農沙子步附保水西鄉隱几江天遠開門佛土香時情

荒徑草埜色淡淨一作漁梁欲縱高秋目東偏短作墻

舊物杯中酒新銜海上翁百非無一是顯過豈微功引來

江分碧烹丹井爲紅幽居亦多事度日不全空

小市江分破連萍水卷翻到今佛跡在千古鶴峰尊

來何處豐湖入數村登臨有何好秋至數消魂

已分詩驅使寧辭酒過差南京入釣蛤北信客占鴉

侵膏埋憂端宿肺家向來功業興到晚詠餘霞

宜然等寒暄乃爾云雪曾前歲有地過此邦無羨每

觀動意山虎豹呼南來何所得詩語帶陳隅

言語不覺久長興良獨難加之得卯酒晚矣恰朝食筭蕨

香生箸魚蝦海入盤南方禁太飽茗椀直須寬

秋氣東南上野煙申酉間草平連別洞雨轉入他山道路

鹽去樵蘇竹木還西江并北客相對各蒼顏

不過魚村濕沙寬牧地平片雲明外暗斜日雨邊晴山轉

秋光曲川長暝色橫瘴鄉人自樂耕釣各浮生

迹蒼梧外放懷黃木東人情雙鬢雪天色屢頭風國計

平宵切家書隔歲通爲儒得愁思一笑賴兒童

爲里非吾土三年失我常只愁鷺跼跼敢作鶴昂昂白竹

連閩越黃雲入夜郎何時返栖息誰爲問桃娘

閒居

未許幽人曉夢長朝朝親炷佛前香有詩爲愛袁家酒無
病緣抄陸氏方身雜蟹中誰是我食除蛭外總隨鄉白沙
翠竹門前路疑出西郊向草堂

細細敲門細細應老翁方曲畫眠肱魚陂舊種千頭鱸桑
徑新窠十畝繒菜足尚堪分地主米餘翻欲供鄰僧平生
雅有乘桴興咫尺滄溟去未能

聞勾景山補整屋丞仍開學道有得以詩調之發萬

里一笑

人言整屋似江湖莫對丞哉歎負余別後耳根無正始向
來紙尾得黃初可憐鬼谷縱橫口今讀神溪縹緲書臣朔
許長錢許少何當天子念公車

遣興

八千岐路愁何補四十光陰老亦宜此去只堪犀首飲向
來都是虎頭痴逢時有道其如命得意無言所恨遲詩債
卽今渾倚閣新篇惟有莫相疑

春歸

東風定何物所至輒蒼然小市花間合孤城柳外圓禽聲
犯寒食江色帶新年無計駈愁得還推到酒邊

鄭太玉送子魚

便當權閣太常齋藥竈于傍手自煨須信子魚藏妙理坐
令母蟹媿凡才刀頭定向何時得劔脊頻將好意來老去
少陵雖病肺尚堪持此薦寒醅

江漲

秋來雨似澆雨罷水如潮市改依高岸津喧救斷橋雲陰
哭鳩婦池溢走魚苗天意良難測前時旱欲焦

代書寄鄭二

後定何似此中難具陳倦憎秋氣濕老怯曉烟辛沸議
方爾歸期覺愈伸須煩三絕手時復餉清新

夜久睡覺不復能寐凄然有感

復更殘暑夜淡清欲飢葉飛魂夢數露重語音知月色
秋苦更聲臨曉遲平生憎墨翟老去亦悲絲

立冬後作

入佳境冬來幽興長瘴鄉得好語昨夜有飛霜籬下
在醅中小至香西鄰篋向熟時致一梳黃

在醅中小至香西鄰篋向熟時致一梳黃

倒拔孤舟入瘴煙歸來百斛瀉豐年炊香未數神江白
釀滑偏宜佛跡泉飽去定知頻夢與醉中何至便妨禪憑
君爲比長安米看直公車牘幾千

謾成

雲暗便窓破山寒賴屋低往還天外少早晏雨中迷書冊
開仍闔履聲東復西何常有所賦得句旋安題

聞鄭二對吏五羊

舊友年來略散亡新收鄭子亦遑遑歲云暮矣無雙雁我
所思兮在五羊獄吏事權先自貴書生蹤跡况能狂風流
人物今餘幾何忍羣兒復謗傷

東麓

經旬不見小羗廬忽爾相逢喜欲呼自入秋來更韶潤却

從瘦裏帶敷腴人閒信有傷心碧坐上那無滿眼沽可是
清暉解娛客能令腸斷到愚儒

野望

賴有澄江在專供倚杖清水裁偏岸直雲截亂山平鞞鼓
知農隙雞豚覺歲成却緣搖落後木杪得孤城

獨遊

是日遊子獨幽情知者誰時光新舊歲節物淺深枝腸
春祠敏鶯窺野燒痴田園有妙理吾悔得之遲

醉眠

山靜似大古日長如小年餘花猶可醉好鳥不妨眠
門常掩時光簾已便夢中頻得句拈筆又忘筌

黃陽後二日無盡泛舟游處士臺故詩人

所居

阜河經雨水微沙船帖臺根日未斜三徑就荒悲白土一
樽相屬對黃花已將遠眺收平楚更遣清言到永嘉要見
仙翁頭似漆請看醉後落烏紗

生還至宜都逢李六

更把餘年着酒澆莫談前事費燈挑地緣有語封還止印
爲無功鑄復銷賴是詩書能却瘴到今魂夢亦聞潮頭西
歸去君休怪尾段無多不奈雋

將赴闕有感示聃

老畏高門地慵便下澤車終然嬰世網難作愛吾廬白首
趨行在青袍奉起居平生誇好手到此不如疏

次韻幼安留別

白頭重踏軟紅塵獨立鶴行覺異倫往事已空誰故舊好
詩乍見且嘗新細思寂寂門羅雀猶勝纍纍塚卧麟力請
宮祠如意否漸謀歸老錦江墳

鴻慶集鈔

卅九

孫覲字仲益嘗提舉鴻慶宮故自號鴻慶居士五歲時
卽爲東坡所器第政和間進士靖康俶擾爲執法爲詞
臣旋由瑣闥歷吏戶長貳連守大邦紹興而後遭值口
語斥居象郡久之歸隱太湖二十餘年孝宗朝命編類
蔡京王黼等事實上之史官年九十餘卒由其居閑久
故問學深誠有宋之作家也獨以其誌万侯高之墓嘉
靖間常州欲刻鴻慶集邑人徐問曰覲有罪名教其集
不當行世遂止嗚呼斯言固秋霜也今不廢其詩者以
見有詩如此而不得列於作者欲立言者知所自重耳

湖州天寧寺飲王生二首

莫鬪蝸兩角且共貉一丘夷蹠坐我旁汝豈河南騶割肉

一畝之徐以大白浮譽後君勿譙笑談起封侯
諸家迹便掃得此一老兵江東醉司馬酒中尚求名哀哉
南山箕不平自號鳴慎勿歌烏烏作此老婢聲

富陽道中二首

渺渺行雲幔溶溶曳水衣雷翻巢墮乳風落網粘飛獨拄
青藜杖來推白板扉平生丘壑趣漂泊寸心違
白帽炎州客青裙酒姥家微風搖扇浪細雨落簷花客舍
休占鵬巒村欲饌蛇會令醒復醉高枕送生涯

蘭溪津亭病起

風波湧地千漚發創痛鑽皮百箭攻藥裹關心防二豎謫
書盈篋忤三蟲剖瓜女隸方祈巧結柳奴星也送窮笑我
平生持螯手未應咄咄左書空

三衢聞都督兵潰常潤間懷舍弟而下

紫荆有信欲開花黃犬無情不到家偶坐厭聞鳥嘯嘯杯
行喜聽鵲查查同看明月人千里相望孤雲海一涯驥子
熊兒無恙否風雲慘澹鬪龍蛇

疎山寺次白文林韻二首

藜杖忽忽集晚林長廊破壁撼鐘音天涯流落相逢地杯
酒殷勤莫厭淡萬里功名飛燕領千金博飲爲牛心更聞
好句驚人倒一洗蠻煙瘴露侵

黃花翠竹小叢林卧聽南山白石音螳鬪已空遺堙在蝸
跡終戀故廬深掀髯一笑追前謬禮足同參看此心且向
疎山結香火人生莫受二毛侵

明水寺五代末危全諷據臨川時所建畫像至今存

焉寺有最高峰有祠屋一區道士居之

臺殿何年有千巖紫翠間金僊佛世界羽客道家山骨朽
餘三窟皮存尚一斑傷心千古淚相伴雨潺潺

崇仁縣

萬山攢擁天一笠北風吹雨兩鬢濕飢鳥絕叫護巢飛老
蛟怒起挈雲立孤城短日砧杵急騎驢渺渺衝泥入桑枝
倒折機杼空道傍廢井無人汲遺民到今傳舊邑擊水華
鯨浪三級故物漂流首戰餘客子起坐萬感集小驛香醪
如雪汁一杯快作長虹吸酒醒寂歷照短檠幽咽數聲鄰
婦泣縣人喜蕪渡亂後如故

遣興

亂後煎百慮老去無一欣故人尺書至好語中夜聞坐久

百蟲絕開簾月紛紛長歌侑一醉酒醒擊空尊

山行憇田舍老父出迎以黃甘白酒為餉

藜杖扶來雪滿簪諄諄語好意深深酒傾白墮杯行玉橘
破黃苞坐釘金醉起莫辭田父肘甘餘須識野人心匆匆
不盡扳留意挽袖丁寧更一臨

兩日復往次前韻

寒蔬離離銀線亂臨川出蔬號銀條凍醴灑灑玉井深坐蔭庭松
翹翠蓋行穿野菊布黃金犬迎客入喜見尾鵲隨人語欣
會心俗裏淹留怕轆釜驅兒招喚得重臨

明水達老以黃甘荔子土芋為餉小詩答謝

客居莽牢落幽絕無四鄰歲窮有衣結日晏猶甌塵偈仄
戎馬間敢厭薪水勤故人情義重采采青泥芹小摘持寄

遠分餘爲情親丹荔擘輕圓黃甘破芳辛蹲鴟勸加餐風味亦可入渺渺山澗曲浩浩水雲晨踞爐有前諾兩翁對然薪眼纈眩紅綠共此無邊春

次韻王子欽立春

歲晚驚呼身已老天涯流落首空回便將酒力推愁去且放春光入眼來人語嘻嘻爭鬪草宮花閃閃豔粧梅雪消水暖春江動綠漲蒲萄萬斛醅

遊東塔雨中夜歸

山色凌寒春尚瘦潭影涵空清可漱漠漠雲行紫翠間斑斑雨濕黃昏後火炬穿林鳥出巢人語闐門狗窺竇杖藜有興會重來更待黃鸝呀晴晝

清明日與范季實諸人過胥澤民別墅小集

水滿雙飛白鷺花深百轉黃鸝寒食清明過了一川煙草離離

兀兀三杯卯困昏昏一枕春融酒醒落花風裏夢回啼鳥聲中

曹山絕句

毀瓦區區爲食謀半生炊黍在刀頭一屢會入扶犁手不上陳登百尺樓

題妙覺寺壁

葉底紅稀不見花枝頭綠暗可藏鴉春歸古殿蒼苔滿一點籠燈隱絳紗

再至

老眼逢春病有花林浪醉墨字如鴉懸知不是唐王播慙

愧高僧護碧紗

宿妙覺竹菴贈靜老

青山暎落日澹澹煙中明出門無所投曳杖隨意行破衲
僧兩三喜笑爭邀迎曾巢俯修行飛星動高薨老人如宿
昔真契同三生遇人無戚疎出語惡不情寥寥風馬牛肝
膽欲盡傾怪我胸中山硯兀尚不平邯鄲樂無度短夢一
餉榮鬢觸怒不休暴骨千里橫微言起我病內愧面汗驛
蚤知天宇大豈有世網嬰舉扇障西風浣此滄浪纓

別如老

同舟無胡越四海皆弟兄吾人雖晚接一笑蓋已傾世亂
識真態塗窮見真情曳杖扣禪扃撞鐘聽鞞鳴小窓風雨
夜對此二榻橫吾身如木偶春至不復榮豈無三宿戀天

雨方流行去去得首丘歸田元踐更

徙寓妙覺佛舍胥又民被相過賦夜坐

客居厭窮獨蓬艾翳環堵莊曰尚越吟鍾儀猶楚語吾人
有奇操空洞見城府相逢逆於中霧豹初一睹拘囹賦囚
山避訪憎市虎褰裳肯過我岸嶠走風雨微吟對清夜破
此五月暑墜露浥金莖空花墮犀塵孤燈映籠紗冷豔翳
復吐耿耿遂不眠逢逢聽晨鼓

次韻王子欽

二年客塵土獨夜憂悄悄遇酒一破顏歌呼醉連曉寸心
為誰明伴此孤月皎枯枿鬱崢嶸老幹空自表蟻穿萬孔
羣蛛挂千絲擾白鴟逝不來豈敢更擇場

熊夫人遣介欲壻澤民小詩戲之

墻頭鄰女三年望戶外文君一笑竟欲得賢夫嫁張耳此
真佳婿是義之定知不折飛梭齒以說先齊舉案眉不信
侯門深似海水流紅葉謾題詩

靜老通幽軒

諸峰倚崔嵬衆竅隱犇峭寓目欣有擊會心領其要開廬
結茆竹代翳斬蓬翟此君亦可人玉立盡娟妙風酬翠相
倚月吐清自照窈眇非世音鸞鶴中夜嘯煙塵闢北關烽
火被南微便欲老三閭終焉隱屠釣

秋夜二首

山寒藹暝姿楓老帶漲痕蘭摧桂亦折往往歸其根萬籟
各收聲一氣中自存鼻斤無可 尻駕不復犇孤光照獨
夜月落低金盆

寥寥大吠村微月耿黃昏細豚市井空虎豹窟宅尊元龍
百尺樓獨帥誰與論酒聖口復中愁魔自驚犇蹕缺歸去
來稚子候柴門

自崇仁趨新淦凡四夕所至一寓道觀三止僧舍皆留
一夕而去賦小詩記之

妓原寺

稚子簷門立老僧迎客入湛湛玉斲寒唧唧銅餅泣小軒
風雨過窓戶青紅濕晚花發秋妍黃蜂正衙集

化度寺

失路迷千嶂投休借一枝扣門竹西寺立馬日斜時屢鑠
僧窺戶睢盱犬透籬定知嫌不速明日與君辭
栖霞觀觀在麻嶺之下

雲表朝飛屐松殘晚駐鞍破扉聯白板稿項繫黃冠徑雨
喧風籜汀沙立露翰小窓床坐好對此百憂寬

三山寺二首

斜日半窓明無人獨掩扃風鈴時自語雪柏老終青立鵲
參差見微泉斷續聽老僧渾不語危生卷殘經
異縣久爲客窮途飽所更對床雲伴宿曳杖月同行到處
身如寄看山眼翹明平生飲中趣酒賤且頻傾

再和何襲明

沙平雪漫水涵空路入千巖紫翠中村遠微明漁舍火樓
高斜轟酒旗風可憐方外狂司馬來伴出中一禿翁南北
相望三十載心期不改斷金同

何嘉會寺丞嫁遣侍兒襲明有詩次韻

魯陽之戈倚半空誰能一御日再中驚回十二巫山雨水
隔三千弱水風瘦語尚傳黃絹婦嘉會侍兒以妙爲名多情好在紫
髯翁謫仙尚有杯中月獨舞婆娑醉影同

迎薰堂小集襲明用前韻再和

飲痛瓊艘百柁空參橫斗挂月當中不愁馬上衣沾露且
看樽前幘墮風未辨清歌娛醉客莫將強韻壓衰翁悲飲
冷淡君應笑注瓦傾銀一體同

長樂寺

嘉會常置酒錢歌姬於此

萬瓦冠松壁千嶂鎖雲莊故人置酒地清夜燈燭張破壁
挂月闕遺笙嘯風廊妖歌傾四座醉卧錦瑟傷寂寂花絮
亂怒怒鸞燕忙雍門已陳迹餘音空繞梁我來久徘徊驚
呼首一昂老僧獨依然坐對柏子香

志新遣兩介致書餽以巴源紙黃甘珠攬大栗鵝鮓
胎蝦爲餉戲作長句

巴江新擣萬穀皮褚生粉面膚凝脂故人千里特寄我落
筆宛宛天投霓綈囊丹果十襲包爆栗飛燼石火敲紅鹽
著樹落青子香霧啜手披黃苞蒼鵝無罪見菹醢苦酒濯
之光五采蝦蚶久已成枯腊只尺波濤渺江海客舍爭席
紛滿前饋羹不復五漿先殷勤重餉有吾子兩夫荷檐頽
其肩

蜀婦新寡從何純中讀左氏戲呈純中

麟經束高閣掩卷有三嘆朱絃久零落鸞膠續其斷英英
左阿君獨唱音節緩故是我輩人吹簫得幽伴先生擁絳
紗弟子褰素幔一揮斲鼻斤便舉齊眉案

宜黃尉李集義遣書問安否小詩爲謝

三年著南冠兩見芳歲新朝爲蟲蛇侶暮與魑魅鄰行隨
木上坐卧對竹夫人獨有金石交不廢風雨晨書來一弔
屈我已屢厄陳噴噴爨下桐嗷嗷轍中鱗緝以朱絲繩放
之碧海津窮途得重惠肝膽大輪囷

題硤江蕭氏菴二首

雪屋清如洗雲崖翠作堆破扉風自掩敗壁雨先頽野色
初還柳林香尚有梅滄江千萬頃一鳥鏡中回
雲逐歸心亂山隨望眼賒疎林欲晚照淺溜咽春沙客路
三年過僧窓一笑諱此生安稅駕有地卽爲家

宿善法寺再賦二首

水繞禪窗淨香凝古殿深讀書不求解醉古聊自斟塔鈴

已無語匣琴猶有心獨謠西閣夜風滿快哉襟

愛竹門可款命車豁初尋鳥啼春院靜人語夜堂深鼠迹

留僧鉢蝸涎澆佛金鄰翁笑相命春酌夜沉沉

田雲朔從政置酒

再過天長寺

山立起平案松偃卧枕岡尚憐桃靨小已見麥頭昂檢事

關兵氣逃禪入醉鄉平生湖海興一棹付慈航

分宜道中

老牯挽犁泥沒膝剡剡青秧鍼水出六麥登場小麥黃桑

柘葉大蠶滿筐猿鳥初呼聚儔侶縑絲百箔聞好語此時

物色不可孤勸君沽酒提壺蘆

確巖寺

千松夾道直一水抱村流清絕小叢林繞舍竹修修老僧

慣見客壞衲雪滿頭野果折奇苞畦蔬翦新菜漂零五管

去邂逅一笑留詩成寫君壁記此夢中遊

靈泉寺

窓戶遙開紫翠間小橋獨立聽潺潺意諧獨有清風共興

盡聊隨落照還但見虛童蒙白恰且無龍吏發驛顏風花

雨葉元無定何必區區戀故山

嶺外虛市市人大半以酒

七星巖

十載汗修門簪橐侍帝垣五雲深莫窺衆星拱以繁一坐

牘背書身落海上村山川發餘想鍾鼓眩昔聞星圖煥斗

極兩兩錯地文今日復何日乘槎造天閣日月起可挾參

井立能捫誰當揭其柄為我酌瀛尊

龍隱巖

跳波觸石喧古木抱崖擁老蛟厭泥蟠一笑作潭洞孤峰
起嶠崿哀壑浩呼洶腥風噤蛙淫凍雨落毛氈凜凜白晝
寒瘴髮立盡聳旱氣曛日黃縮爪但陰拱悠然四大海斂
此一毛孔安得化為霖蕙葉有光寵時禱雨未應

西山超然亭

厖區翳榛莽地瘴藏百怪西山何軒軒拔脚風塵外中縈
一線蟠側立兩壁對旁連九疑高遠控三湘大孤亭坐林
杪俯見飛鳥背號方泣二女禦魅窟四罪誰去窘囚拘故
自脫天械飄飄息凌雲萬里風雨會

飲脩仁茶

煙雲吐長崖風雨暗古縣竹輿頰兩肩弛擔息微倦茗飲
初一嘗老父有芹獻幽姿絕媚嫵著齒得瞑眩昏昏嗜睡

翁喚起風洒面亦有不平心盡從毛孔散

九日次獻花鋪

李衛公貶海外道過象在蠻女獻花於此

古路三叉口青裙兩髻丫更無陶令菊空想衛公花破屋
堆黃葉清紅繚白沙殷勤邀一醉蠶酒壓梨楂

到象州寓行衙太守陳容德攜酒見過

飢坐黃甘啜手香堆盤丹荔照人光莫辭蠶酒一尊赤會
墜瘴茅千里黃未省讒言遭惹苴直將空腹傲檳榔酒醒
夢覺知何處樹影參差月滿廊

南山寺

千丈雲根蔭此邦沉沉寒影卧秋江潭空映日蒼虬動煙
暖翹沙白鷺雙夢覺難聲喧客枕吟餘竹色滿僧窓詩成
絕叫曾樓上聽我洪鐘萬石撞

安心是藥本非禪
遇勝欣隨意所便
嚼蕊拈花身老矣
穿雲涉水息茫然
行逢酒伴操觚去
倦憇僧窓借榻眠
寄語排言問津者
人中今是地行仙

別象州陳守容德

三年客殊方榮悴不堪說
迢迢家萬里奄奄命一髮
使君古丈夫興哀在縲紲
平生風馬牛舊職比鷄鶩
欣然一笑粲破此百憂
結皇恩下天扉淚泣孤臣血
行厨洗玉盤載酒助歡悅
庖珍問五鱗餅字炊十裂
徙突今未黔班草尺一訣
何須更秉燭端是夢中別

雒山寺青羅閣

蠻村避謫三年過
野寺尋僧半日閑
小檻吹香花漠漠
斷崖漱碧水潺潺
枕椰葉底秋聲滿
柏子煙中午夢還
便擬

買舟隨釣叟一蓑煙雨繫滄灣

蒙亭二首

小築三間足雄包萬象
并遙波通極浦落日抱孤城
小語千巖應長歌百蟄驚
坐看衣屨上漠漠晚雲生
落拓詩酒伴踈慵粥飯僧
盪胸開遠抱挂頰見高稜
鳥倦猶聞語蛟寒正可曾
一區如可卜吾不愧陳登

發桂林劉帥立道同諸司出餞於甘棠渡口二首

行盡海北天笑指湘南路
使君載酒膠擁節東城駐
前驅千纛直縱獵萬人呼
塵流翳白日十里映黃霧
何人撒迎我一葦橫江渡
渺渺倦鴉翻相隨歸薄暮

洶洶號萬竅颶風吹海渾
冥冥蔽一天瘴雲埋日昏
南荒底日所黃葦三家村
誰云花解笑但有鳥能言
繆恩解南

冠歸路首北轅酒行可以起稚子候柴門

北歸過永守趙君宰置酒萬石亭

三湘陌上逐臣歸萬石亭中送客時拄杖披榛行莽蒼汲
泉磨蘚看魁奇天傾五色遺媧補谷變千年出峴碑何似
蹊邊小桃李向人膏面出風姿

宜春臺呈太守陳次明

聞說宜春好曾臺試一登隴泉悲瑟瑟松雪見層層孤絕
煙中寺微茫樹下僧詩工傳寫妙不數畫師能

再過曹山示如老

不羨鵬南運聊隨雁北還捫天上何嶺犯雪過曹山偶列
萬里去重來一夢間觀河見如舊雙鬢自爛斑曹山在何嶺之下

送智海上人二首

大師興趣在江湖拄杖扶行穩當車苦要詩翁淡生活穿
雲涉水到西徐

折鼎支磚日半欹拾薪乞米為朝飢昏昏一點炊煙裏見
我邯鄲夢覺時

馬跡上冢遇大風雨書僧壁二首

松竹騷騷繞舍鳴沙頭一夜雨連明衝泥裹飯洗新冢野
哭干香共一聲

白哈排肩上冢歸飢鳥攫肉紙錢飛東家已改清明火一
點炊烟上翠微

讀沈德潤詩卷時沈寓金沙詩

繫馬門前柳投鞭息吾駕青林合扶疎木杪抗風榭沈郎
天骨清衆堙立嵩華閉閣卧讀書一榻過僧夏尤工五字

律句法窺鮑謝無窮真炙輠有味乃食蔗我老復何爲齒
髮日夜化寅緣葦間見拊髀起一蛇懸知擲地響自欲補
天罅坐令長安紙頓起千金價

望道場山塔

碧玉旋螺插暮煙遙看桂子落僧前試尋白水田頭路一
葦橫江浪接天

蕭寺知名四十年身投籠檻到無緣行人指點松間路正
在孤雲落照邊

橫山堂

波間指點見青紅雪脊嶒稜倚半空幻出生綃三萬幅游
人渾在畫圖中

蒼雲十畝蔭平寬露葉風枝繞舍寒莫遣先生賦歸去且

令小吏報平安

題谷隱

碧瘦峩于疊清深漲一篙紅輕花似肉綠細柳如縹句好
無強對神超有獨遨葦間青蒻笠髣髴見秦逃

送徑山僧

桑棗翳一丘風雨鳴四壁晨門響丁丁一笑喜折展臞仙
詩作瘦句有徑山色哀彈發朱弦妙寄追白石虛名子過
聽愧卧不能夕歸袖挽莫留凌空看飛錫

華亭朱師實中大燕超堂

海禺納萬艘市區沸百賈黃塵翳白日千騎騰一鼓蚊集
十字路四顧盡曠土蝸角兩大國一怒有標杵角名眩多
盧聚訟攻衆楚昏氣自成霧濯濯泮泱雨朱公誤涉世吏

隱寄圭組俗緣墮人境心大接天宇
奉芳採蓮舟擷秀藝藥圃山寒石稜紫樹老松鬣古風牽碧羅卷雨墜翠蠹舞
寧須鳥催酷自有花解語觀魚樂洋洋夢蝶飛栩栩坐令游俠窟化作仙佛土
高卧水國秋靜憇月庭午不假壺公龍天上有官府

洞庭善慶堂置酒小詩寄之

幽絕小蓬壺參差見畫圖亂青山四出一碧水平鋪洲葉紅相照沙茸細欲無
蓮房駢百子橘圃聚千奴布穀休催種提壺且勸酷楚腰飛燕燕秦缶和烏烏
便旋驚回雪連娟引貫珠西風催畫鷁落日詠驪駒浩蕩川原隔驚呼歲月徂
寥寥清夜夢直提控搏扶

興化朱公大卿沒於庚申歲既除喪矣其子彥實過

余於晉陵留十日而別賦小詩以餞之

柴扉忽枉故人車躡履歡迎一笑初夢裏覆蕉疑有鹿食前彈缺嘆無魚
忽忽注瓦澆村釀草草供盤折野蔬他日灰生君一訪上林鴻雁有書無

多寶院

穿雲訪幽伴倚枝蒼崖根冥冥篁竹中古寺松爲門野僧營一飽乞食山下村
擁鼻且獨謠未覺釣石溫世事風雨過歲陰波浪奔飄然得遠遊寄此五石尊

甘陂莊院

張公卧江海戢羽如鵬蹲平生廊廟具投老三家村一壑身所寄萬里心
自存買花紅間坐種竹青滿門似聞橘生奴漸見桐有孫提壺時見招一笑空壘尊

寄題莫謙仲山居

魚鹽市井雷冠蓋車馬路生息自相吹晨門熱如霧超然
塵外躡崑兀見砥柱湯湯海橫流自有安立處幻泡水上
漚空華草頭露一峰獨蒼然歲寒但如故醉寒庭下花吟
繞池邊樹便有山中臞來隨白雲屨

過慧山方丈皞老酌泉試茶賦兩詩遺之

蕭蕭呵蘭若桑苧有故家佛屋倚高寒僧蹊抱欹斜殷勤
泉上客流落瘴海涯蟹酒墜梨楂蠻烹啗鼉蛇光際鏡一
奩照影空自嗟老僧薦茗粥芳鮮疑露華驅除鼻中雷掃
盡眼界花飄飄息凌雲攝身上蒼霞

過楓橋寺示遷老三首

白首重來一夢中青山不改舊時容鳥啼月落橋邊寺欹

枕猶聞半夜鐘

三年瘴海卧炎霄夢隔青楓一水遙萬里歸來悲故物銅
駝埋沒草齊腰

翠木蒼藤一兩家門依古柳抱谿斜古戍流水參差是不
見玄都舊日花

吳門道中

數間茅屋水邊村楊柳依依綠映門渡口喚船人獨立一
蓑煙雨濕黃昏
一點炊煙竹裏村人家深閉雨中門數聲好鳥不知處千
丈藤蘿古木昏

菴畫谿行四首

老牯浮鼻水中歸綠雉應媒桑下飛蘿葛冥冥山四起數

家雞犬煙樹裏一支新綠漲晴溝楊柳中間擊小舟
谿頭鳥鳥樂呼風喚雨不能休

蝶趁花飛爭入坐倚空百尺游絲墮亂山街日半船明斷
雲載雨前村避蕨芽戴土小兒拳漁市人歸柳貫鮮罨畫
谿頭人語好烹魚煮蕨餉春田

沙頭綠暗已藏鴉竹裏猶殘一兩花蝸廬抱柳開新國燕
語窺簾憶舊家春風有信自年年罨畫谿邊柳繫船陶情
滿滿酒如泉醉與長餅藉草眠

翠木蒼藤綠白沙槿籬茅店野人家了無狡兔營三窟只
有黃蜂趁雨衙樹頭獵獵酒旗風罨畫谿邊賣酒翁銀餅
快瀉清若空令君一笑面生紅

龜潭二首

稚竹綠崖瘦蒼藤翳樹昏野花渾少態谷鳥自忘言獨曳
煙中策來傾月下尊樂哉無與共幽興在桑門
蝸舍三間小龜泉一勺甘樛嚴渾不看彌勒久同龕潭影
千峰倒雲稍萬木參巖花自無主紅雨落甍甍

題董令升待制明谿

先生谿上宅華榜有殊稱已爲山作主更與谿爲朋高甍
俯流水坐見南山稜濯髮雲破碎湔衣雪崩騰老蟾駕月
來澹豔一鏡升舉權擊空明玉壺響春水夜久羣動息一
牖清風興手持脩月斧自控赤鯉乘

李茂嘉寄茶

蠻珍分到謫仙家斷壁殘璋裹絳紗擬把金釵候湯眼不
將白玉伴脂麻

春事

茆棟依林出松扉傍水斜浮蒼園百疊亂綠翳三叉屋破
蝸書壁庭蕪鶴印沙小桃供一笑已著兩三花
黃鸝遺好音碧草繁別恨雨擢翠千尋風斂紅一寸持膠
散百憂琢句破孤悶呼童數擊鮮無久諸郎溷

游金沙寺寺有陸希聲侍郎讀書堂在頤山上

一龕明滅佛前燈破滅猶殘一兩僧說似鴻盤讀書處試
尋幽伴挂烏藤
綠筴遺苞半出籬清谿一曲翠相迷古苔稱意壞墻滿好
鳥盡情深樹啼

歲暮郊行

殘雪溶溶水波凍山空翠濕衣巾重東家西家酒初熟南

枝北枝春欲動班坐偶隨鷗鷺集意行適與牛羊共直將
萬事付狙公莫浪歡喜踏破籜

臞菴浮天閣

黃蘆吹雪滿汀洲萬里煙波接素秋數點征帆天上落一
輪斜日水中流長橋踏月隨幽伴小閣浮天賦遠遊便買
一舟爲泛宅此生何必老菟裘

向伯恭侍郎致政薌林築一堂名之曰企疎晉陵孫

某聞而賦詩

銅臭應作么夢屍當得官喁喁魚聚沫戢戢蚋集酸高人
有遠抱一笑視鼠肝水將洗耳用山作拄頰看種芳茹秋
菊寧秀紉春蘭披披芰荷衣采采苜蓿盤三徑倘真境一
瓢非世歡富貴挽不來爲我歌考槃

且學方回癡莫羨董公健誰合軀七尺浪作青紫檀更搖
乞憐尾仍出弔喪面薌林有老僊蚤具佛眼見國恩儻粗
酬已責遂焚券驅除竹馬棄狼籍芻狗踐寥寥漢二傅千
歲一關鍵竟日飲無何更補離騷傳

湖次上冢繫舟丁山田舍小憩

清谿三百曲一片春風綠茆屋有
人家窈窕閔深竹老去
耽田里寓目快新矚風漪卷翠綃雲巘鏤蒼玉尋盟喚白
鷗解佩贖黃犢獨嘯無一人傳聲滿空谷

妙光菴

孤煙抱水村落日滿雲樹亂山如連環楊柳是門處青繚
竹谿灣翠點苔石路鍾魚寂無聲白日掩僧戶茗盃酌雲
腴香篆擢煙縷坐穩不知夕烟烟山月吐

吳漢逸家荆谿蓄古書奇器甚富余欲造觀而未果

賦小詩先之

高人卧江海煙雨三家村白眼憎俗徒青山自當門披圖
望千載耿耿尚自存金鑄駉褭蹄漆書科斗文虬螭盤六
印犧象刻四尊劒包虎皮斑琴漫蛇腹紋猶吐星芒寒尚
帶雷斧痕我亦望古者昂昂真戴盆儻未倚門揮應許置
榻論從公問奇字載酒過子雲

寄題四明吳魏拙軒

分寸躋攀曳九牛一錐無地拙於鳩穿鍼結縷非吾事不
上天孫乞巧樓
老罷誰當問喘牛羈栖且作寄巢鳩蓋茆一把藏吾拙便
是元龍百尺樓

雨

山空發清響樓迥落餘飛掩冉花頭重渾酣水面肥喧
沉地鏡飄灑淨垣衣數點蒼茫裏飢鳥接翅歸

小園春事

屋頭喚雨泥滑滑萬瓦紛披土囊發西園春事一時休繁
紅漫亂煙脂雪綠蘿高張翠羽益蒼巘中斷青玉玦不見
枝上一點紅千頃桑麻光似潑

小園花柳春爭發風雨顛狂二三月斷梗梢空轉若蓬細
紅糝逕繁如纈巨看繞屋溜潺潺可厭觸塗泥活活不妨
暫柅故人車大似陳公井中轄

吳門道中

小橋分路各西東寂寂松窗半掩蓬客夢悠揚殘酒裏一

池荷葉雨聲中

連雪苦寒

霜氣森森背有芒風稜撼撼面疑鎗破衾且作龜頭縮短
裾愁牽鶴脰長

焦山吸江亭

昔年攜客寄僧龕敗屋疎籬一草菴白首重來看修竹連
山樓觀亦耽耽東坡詩云金山樓觀何耽耽撞鐘擊鼓聞淮南焦山何有有修竹採薪汲水僧雨三
萬頃蒼茫一島孤潭潭雲海現毗盧問君汲盡西江水中
有曹谿一滴無

雨中泊蜀山見漁人自山半負樵入舟鼓棹而去

一嶂橫青靄千漚起碧濤行穿山半腹坐占水中心蹋雨
松蹊滑衝煙蓼嶼深時來有登涉應不繫升沉

讀類說二首

亡是談烏有彭郎得小姑誰言鳩作婦謾道雁為奴絡繹
那能織提壺豈解酤龜茲堪一笑非馬亦非驢
額痒會出耳足閑仍有釐石頭非作燕楮老孕生雞楓癭
那因怒松枋豈是肥君看轉丸手亦復化神奇

能仁寺悟上人來楓橋訪余索詩賦兩絕句

撚斷吟鬚皺兩眉鏤冰琢雪等兒嬉解啼孤月如雞口堪
笑窮郊作許悲韓吏部詩云有窮者孟郊郊聞雞詩云似聞孤月口能說落星心
老去都將筆硯焚相逢相問只寒溫更無一語堪酬對已
入維摩不二門

龜潭

擺落攀緣斷驅除磊塊平庭松敵老健潭水伴孤清待月

出時看毒雲起處行相隨水上坐徙倚到參橫

舟過湖汊泊丁山

雞犬三門市蓬蒿一畝宮蘿牽籬幕翠籜墮砌堆紅宿鳥
來還去微泉咽復通幽尋殊未已落日滿陳桐

日下殘紅斂煙升積翠重鷗輕沒浩蕩魚樂自從容野饁
迎秋穫鄰謳相夜春田翁有真意一笑酒中逢

協趣亭

一丘破天巧萬竅迴春姿使君載酒地不著鼓吹隨翛然
一幅巾自與幽人期水淺欲平杯風細不滿旗疎疎殘雨
裏獨理釣魚絲

江上懷息永

沙老猶生菰江寒已伏槽長煙分聚落短日下亭皋木脫

曾巢見潮生小艇高幽懷誰與悟不見酒中豪

梅二首

北風翦水玉花飛翠袖凌寒不自持脉脉含情無一語水
邊籬落立多時

纖纖蘿蔓牽茅屋細細苔花點石缸夢斷酒醒山月吐一
枝疎影卧東窗

龜潭道中

沙淨溪行好煙消野望新數峰山戴雪一曲塢藏春魚逐
波間伴禽藏葉低身柳邊春信動眉目已津津

牛山道中

松雲翠籬披竹日光破碎青熒麥風過紅濕花露墜萍開
龜曳尾樹啄鳥摩喙物物如貺予欣然與心會

罨畫連雨溪漲又餘雨霽水落喜而賦詩二首

編棹沿村徑囊沙壅市門蒼鱗封老幹黃耳上陳根屋破
容身窄天低望眼昏谿邊高樹杪猶有繫舟痕
月挂樓鐘曉風生島樹秋林疎山獻狀池漫水分流鵲喜
時窺牖鷗馴亦並舟一聲何處笛莫遣碧雲留

沈公序餘閑亭二首

貌古須眉見情高耳目遺應諧聊玩世避謗莫吟詩事不
關心處身非抱病時儵然無一事痛飲是吾師
隱八欲忘吾趨營老吏疎判閒聊命酒引睡謾翻書祇有
貧堪逐都無憤可據樂哉聊卒歲應信我知魚

虎丘沼老豫章詩僧也與余相遇於楓橋方丈誦所
作除獻之侍郎生日詩有東湖孺子南極老人之

句余愛其工賦小詩寄贈

落景下曾城遙煙起孤戍繫舟著斫魚磯曳杖扣僧戶忽
逢丹霞侶自誦碧雲句嘈啾應黃鍾清絕追白紵不落江
西派官學邯鄲步冥搜自天得妙中有神助寅緣半日留
邂逅一笑遇詎復管中窺看沐南山霧

紹興壬子

某

南遷過疎山上一覽亭見擬東坡煨芋

詩刻龕之壁間詩律句法良是殆不能辨乃宣卿
侍郎守臨川時所擬作也後數日道次安仁縣一
士人吳君出宣卿詩數十解示余奇麗清婉咀嚼
有味如噉蔗然讀之惟恐盡於是拊卷三嘆而後
知公置力於斯文久矣又二十年宣卿築室荆谿
山中別營一堂以平生所畜東坡詩文雜書長短

句殘章斷藁尺牘游戲之作盡積藏其中號景坡

自書榜仍為記刻之

某

欲具小舟造觀而宣卿召

用今以集撰守吳門乃賦詩為之先

王公製練衣謝傅捉葵扇欵若置郵然一昔徧海縣東坡
百世師乘雲上騎箕文爭日月光氣敵嵩華齊諸儒望先
覺坐待成風斲一斤應手揮郢鼻無留望公生不並時關
楫同一機識真屬具眼造的令中眉詩亡東哲補書受伏
生所神交接混茫參差夢中賸授我筆如椽五色光屬聯
醉上金鑾殿揮泉灑謫倦

景思提舉少卿出示藥寮佳篇

某

繼元韻上呈

連筒自灌黃精圃結轍休推蕙苒車萬壑飛泉春午枕一
蓑帶雨荷春鉏逃名尚有身為累擇利焉知貨可居笑指

吾公門上莠一時零落已丘墟

[Faded bleed-through text from the reverse side of the page, including names like 王公 and 張元幹]

蘆川歸來集鈔

四

張元幹字仲宗永福人太學上舍歷官至大監所與遊
皆偉人賢士嘗哀其亡友唐愨生詩帖標軸璀璨如諛
達人貴公得氣時人嘉其朋友之義又於亂紙中得其
祖文靖手澤知祖未第時壻於劉氏劉無出葬於福清
元幹求之榛莽中割牲釀酒為文刻石以傳子孫作幽
岩尊祖錄宣政間游定夫楊龜山陳了翁朱喬年李伯
紀洪駒父徐師川呂居仁名賢三十餘家咸題跋歎美
之有蘆川歸來集十餘卷得之書肆廢帙逸其大半詩
止近體六七二卷清新而有法度蔚然出塵觀其序王
承可詩云初從徐東湖指授句法知淵源有自也
次韻唐彥猷所題顧野王祠與霍子孟廟對

蘭若黃門像相望博陸居衣冠塵亦暗簫鼓祭全疎草色
侵荒逕潮聲過夕墟遺風猶可想弔古一觴餘

過宿趙次張郊居二首

北客多流落東村更寂寥宵同清夜夢不待故人招月掛
荒園竹霜飛獨木橋聽雞休起舞且共論天驕

莫歎交游晚相期歲月淡秋來初識面老去要知心燈火
須更僕杯盤取自斟平生王霸術袖手有微吟

次韻奉和平叔亭林至日之什

雲物果何好客愁今更新坐來江月白興在雪籬春我輩
且同酌公詩殊出塵莫思淮海上黑幟雜黃巾

花飛

雨暗連兵氣花飛點客愁寓居皆野寺相過只扁舟不作

新塘去還爲後柳游盤餐雖杞菊得飽勝椎牛

送江子我歸嚴陵

久客驚秋晚懷歸更送君亂來俱避地老去惜離羣山閣
杯浮菊江城鴈度雲行行經釣瀨時事不須聞

亂後

亂後今誰在年來事可傷雲淡懷故里春老尚它鄉寧復
論秦過終當作楚狂維舟短籬下聊學捕魚郎

返正

諸將爭傳檄羣曾尚阻兵天旋黃屋正日轉赤墀明喪亂
多妖孽經綸貴老成鯨鯢終必戮草木已知生

冬夜有懷柯田山人四首

聞說新居好山樊卜築深藥囊能濟物龜筮少知音四海

憂黔首中原盡綠林直須期雪屋夜掉去相尋
坐閱干戈擾輸公已定居生涯今易足世態莫嗔渠晷短
全疎客窻晴好對書故山常入夢何日到吾廬
客裏了無况亂來何止貧淹留頻換歲老大更思親泥飲
息田父供糧乏故人自憐歸未得不是白頭新
雅欲賦招隱何堪弔戰場獨看星錯落久立夜蒼茫羽檄
來東越風煙隔下塘安閑隨處有冠蓋莫相望

登垂虹亭二首

一別三吳地重來二十年瘡痍兵火後花石稻梁先山暗
松江雨波吞震澤天扁舟莫浪發蛟鱗正垂涎
熠熠流螢火垂垂飲倒虹行雲吞皎月飛電埽長空壯觀
江邊雨醒人水上風須臾風雨過萬事笑談中

漫興

老答書題嬾貧營口腹忙未能忘壯志遽肯變剛腸晷短
催寒急燈明伴漏長牀頭褚衾在不怕滿簷霜

奉送富修仲赴南昌尉

吏道雖餘事人情要飽諳家風端自守句法有同參南浦
翻雲浪西山滴翠嵐折腰與趨走政恐未能堪

夜宿宗公文室求詩甚勤爲賦五字

林表登層閣秋聲隱暮鐘鷗歸苦竹寺雨鬧亂雲峰屢乞
畱新句重來訪舊蹤松門罕車馬似喜老夫逢

次韻晁伯南飲董彥達官舍心遠堂

今夕知何夕真成累十觴爐薰飄月影蜜炬剪花香政嬾
還詩債無從發酒狂故人憐久客舞袖要須長

叔易自三吳歸同赴竹菴荔子之集二首

惜別梅花雨來歸荔子秋江帆成昨夢雲嶠忽重游共喜
身長健寧論久客愁殷勤老居士更爲寶峰畱
客去雲俱散山空月正圓不叅藤樹句自透竹菴禪骨法
凌煙像家聲鼓瑟篇直須陪叔季急佐中興年

寄錢申伯二首

子去客昭武今儂懷舊遊青山渾在眼白髮暗添頭旅食
今安好歸程儻滯畱谿邊因野步試覓水明樓
一點照今古留中殊了然不妨爲漫吏可但號臞僊丹荔
盟猶在凝香句未傳秋風稍涼冷速辦下灘船

申伯有行色會宿東禪次元韻

真成只百夜行舍野林眠去住非無數行藏莫問元

瀕瘴海一棹破春煙君自足歸興不妨啼杜鵑

次折樞畱題雪峰韻

軒冕本無意煙霞如有期故人容野老勝踐見新詩誰辦
兼忘世公當急濟時春歸仍送別好在出山遲

次韻范才元中秋不見月韻

不見中秋月長吟五字城浮雲有底急清影可憐生殘夜
四更句故人千里情與君徒悵望天上自分明

次呂居仁見寄韻

老去猶爲客誰人念退居相望千里路賴有數行書白鷺
猶堪寄烏牛政憶渠何時聞枉駕竹裏喚行廚

次韻劉希顏感懷

避謗疎毛穎推愁賴索郎坐來春漏促夢去畏途長故國

書題冷新詩齒頰香湖山雖好在歲月已相忘

郭從範示及張安國諸公酬唱輒次嚴韻

登樓乘暇日喚客共澆愁春去花猶發陰濃雨未休和詩
真冷澹得句總風流能遣西隣老殊無陋巷憂

戊辰春二月晦日同栖鸞子送所親過寶積題壁間
春江因送客雲嶠更登臨精舍經行地征人去住心猿啼
清夢斷花落曉窻陰勝踐成三宿俱來此意淡

次韻送友人過山陰郡時夜別于舟中

草草杯盤燦燭光故人相對水雲鄉濤江君去訪秦望丘
壑我歸爲楚狂活國未逢三折臂憂時空轉九回腸絕憐
明發成南北夢寐全無夜太長

喜王性之見過千金村

春來書劄已西東喜復相逢亂世中萬事變更唯舌在二
年流落轉途窮雲收野寺侵廊水月掛孤帆送客風剩欲
畱君明日住夜闌難得一罇同

次江子我遷居韻

平生自省宜三黜老去何心望九遷避地湖山聊復爾脫
身兵火想當然浮家泛宅非無計坎止流行本信緣猶恐
驚濤翻四海直須化鶴作飛仙

次趙次張見遺之什韻

海邊遊子日思歸新句勞君更置規莫問人間多貝錦正
如天上有參旗寄書只欲憑黃耳去路誰能畏赤眉定與
故巢猿鶴老此生無愧北山移

過雲間黃用和新圃

繚池剩欲開花徑，傍舍先須作草堂。雨後不妨頻檢校，客來畱得共徜徉。故園怪我歸何晚，避地輸君樂未央。待得功名方卜築，豈如強健享風光。

蘭溪舟中寄蘇粹中

氣吞萬里境中事，心老經年江上行。三徑已荒無蟻夢，一錢不直有鷗盟。雲收遠嶂晚風熟，浪打寒灘春水生。鴻雁北飛知我意，爲傳詩句濮陽城。

別綬老

無端流落迫殘年，三十南山訪老禪。未契安心了難覓，不如同世且隨緣。頻移竹几負寒日，旋拾松稍炊晚煙。珍重孤雲出山去，東西南北一青天。

次江子我聞角韻

夫差故國縈寒水，鐵馬南來忽振纓。城上昏鴉爭接翅，舟中逐客謹逃名。笳怨處風微起，濁酒醒時夢易驚。飄泊似聞山寺近，真成夜半聽鐘聲。

次友人寒食書懷韻二首

往昔升平客大梁，新煙然燭九衢香。車聲馳道內家出，春色禁溝宮柳黃。陵邑祗今稱地衣，冠誰復問唐裝。傷心寒食當時事，夢想流鶯下苑牆。

孤生投老急菟裘，萬里雲山已勸游。共喜石交逢異縣，更陪綵筆賦春愁。無心俯仰猶多事，與世浮湛已拙謀。冷雨吹花作寒食，三杯軟飽且眠休。

訪親于連江，因過筠溪叩門，循行歎其荒翳不治，有

懷普現居士口占此章

筠莊主人何未歸溪畔長林穿翠微此去功名時欲至箇
中車馬跡全稀茅茨漏久蝸涎篆籬落歌多蛛網圍公肯
憐蒼客我老爲公朝夕埽柴扉

宮使樞密富丈和篇高妙所謂壓倒元白未句許予
尤非所敢承謹用前韻叙謝

脩門一出十經春相業時來自奮身袖手淡謀終活國揮
毫佳句且驚人話言每許聞前輩賓客何堪接後塵待瑞
攬搶洗兵馬兩翁玄譚記天津

次韻文老史君宗兄見贈近體佳什兩篇僕與公別
四十餘年一旦邂逅情著于詞

舊遊蘭若盡英才坐上高談亦壯哉老去語音雖記憶衆
中容貌各驚猜津亭夜雨故人少樽酒燈花鄉信來茂苑

相逢話京洛樓猶喜待春回

冬夜書懷呈富樞

耳聾無用問新聞矯首何妨目作昏癡絕已甘投老境背
馳寧受乞憐恩難陪年少從渠薄賴得春回爲我溫京洛
交游頻檢校渡江今有幾人存

次韻趙元功贈李季言之什

赤縣飄零未易逢那知今夕一樽同好招明月共清影託
與白雲行太空懍恍舊遊如隔世蹉跎壯志莫論功兩公
秉燭還相對情話從渠半醉中

次韻元功才友道中見貺因以解嘲

當時勇決徑歸休更有人愚似我不何許置錐寧免累直
須畢娶始無憂頻遭白眼傷流俗誰向青門念故侯客裏

題詩相慰藉羨君椽筆盍螭頭

奉送晁伯南歸金谿

君家諸父多人傑半是平生親舊間莫話故園空矯首相
從逆旅足開顏文元勳業金甌字昭德風流玉笋班此去
騰驤吐虹氣何由來伴老夫閑

遊東山二詠次李丞相韻

寒木高蘿幾曲溪斷碑零落卧荒祠澄潭想像雲頭湧
瀑依稀雨脚垂地軸漫頰龍虎戰天符那得鬼神私茫茫
造物殊難曉要是爲霖自有時

畱寄黃檗山妙湛禪師

晨發鄉城越數峰我來師出失從容白雲遮日蔽秋寺青
嶂聞猿驚暮鐘世亂可無閑地隱山溪偏覺老僧慵他年

芋火談空夜雪屋松窻約過冬

用折樞韻呈李丞相二首

參陪仍許瘦筇支長者登臨敢後期鍾斷白雲飛雨過月
生青嶂夜涼時心知勝地都忘睡喜聽連牀共和詩蓮社
風流增荔子餘生長健更何爲

莫問蒟蒻出月支不緣瓜棗訪安期輕紅滿地人慵埽
翠沾衣雨足時松蔭晴泉聽落澗蟬嘶晚吹助裁詩公乎
此去歸廊廟無用山中怨鶴爲

次錢申伯游東山韻

掃榻開軒走寺宮吾曹終日得從容夕陽初落鱗谿路雲
氣半遮獅子峰試問丹砂回白髮何如瀑布煮枯松暮年
縱有壯心在歸意已勝山色濃

大發申自滌東山館

北去瀛洲無川山中恐猶為

翠出空雨只却外蒼神泉離若誰離與如但甚荷公平

莫問蕭蓬出貝支不絲瓜棗荷安博神珠滿此人翻景塔

風流曾燕千翁主身對更何為

主青輦交氣却心映烈壯惜志與喜離與林共味荷蘇極

參部改荷與策支身昔登翻類發眼重瀾白雲乘雨遊月

用泚離贈呈李丞相二首

芋火猶空交雲呈林憲條巖冬

